

周本紀第四

史記四

周后稷名弃其母有邠氏女曰姜原

韓詩章句曰姜

姓原字或曰姜原謚號也

姜原為帝嚳元妃姜原出野見

巨人跡心忻然說欲踐之踐之而身動如

孕者居期而生子以為不祥弃之隘巷馬

牛過者皆辟不踐徙置之林中適會山林

多人遷之而弃渠中冰上飛鳥以其翼覆

薦之姜原曰為神遂收養長之初欲弃之

因名曰弃弃為兒時忼如巨人之志其游

戲好種樹麻菽麻菽美及為成人遂好耕

農相地之宜宜穀者稼穡焉民皆法則之

帝堯聞之舉弃為農師天下得其利有功

帝舜曰弃黎民始飢徐廣曰今文尚書云祖飢故此作始飢祖始也爾

后稷播時百穀封弃於郃徐廣曰今釐鄉在扶風號曰

后稷別姓姬氏禮緯曰祖以履大跡而生后稷之興在陶

唐虞夏之際皆有令德后稷卒山海經大荒經曰黑水青

水之間有廣都之野后稷葬焉皇甫謐曰冢去中國三萬里也子不窋立不窋

末年夏后氏政衰去稷不務韋昭曰夏太康失國廢稷之官不復務農

不窋以失其官而奔戎狄之間不窋卒子

鞠立鞠卒子公劉立雖在戎狄之間復脩后

稷之業務耕種行地宜自漆沮渡渭取材

用行者有資居者有畜積民賴其慶百姓

懷之多徙而保歸焉周道之興自此後故

詩人歌樂思其德公劉卒子慶節立國於

豳徐廣曰新平漆縣之東北有豳亭慶節卒子皇僕立皇僕卒

子堯弗立堯弗卒子毀隃立音隃世本作隃毀隃卒

子公非立公非卒子高圉立宋忠曰高圉能率稷者也周人報之

高圉卒子亞圉立

世本云亞圉雲都皇甫謐云雲都亞圉字

亞圉卒

子公叔祖類立公叔祖類卒子古公亶父

立古公亶父復脩后稷公劉之業積德行

義國人皆載之薰育戎狄攻之欲得財物

予之已復攻欲得地與民民皆怒欲戰古

公曰有民立君將以利之今戎狄所為攻

戰以吾地與民民之在我與其在彼何異

民欲以我故戰殺人父子而君之予不忍

為乃與私屬遂去豳渡漆沮

徐廣曰水在杜陽岐

山杜陽縣在扶風

踰梁山止於岐下

徐廣曰山在扶風美陽西北其南有周原駟案

皇甫謐曰邑於周地故始改國曰周

豳人舉國扶老攜弱盡復歸

古公於岐下及他旁國聞古公仁亦多歸

之於是古公乃貶戎狄之俗而營築城郭

室屋而邑別居之

徐廣曰分別而為邑落也

作五官有司

禮記

曰天子之五官曰司徒司馬司空司士司寇典司五衆鄭立曰此殷時制

民皆歌樂之

頌其德古公有長子曰太伯次曰虞仲太

姜生少子季歷季歷娶太任

列女傳曰大姜有任氏之女太任摯

皆賢婦人生昌有聖瑞古公曰我世

當有興者其在昌乎。長子太伯、虞仲、知古、公欲立季歷以傳昌，乃二人亡如荊蠻，文身斷髮。應劭曰：常在水中，故斷其髮。文其身以象龍子，故不見傷害。以讓季歷。

古公卒，季歷立，是為公季。公季修古公遺

道，篤於行義，諸侯順之。公季卒，皇甫謐曰：葬鄠縣之南山。

子昌立，是為西伯。西伯曰：文王遵后稷、公

劉之業，則古公公季之法，篤仁敬老，慈少

禮，下賢者，日中不暇食，以待士，士以此多

歸之。伯夷、叔齊在孤竹，應劭曰：在遼西令支。聞西伯善

養老，盍往歸之。太顛、閎夭散宜生、鬻子辛

甲、大夫之徒皆往歸之。劉向別錄曰：鬻子名熊，封於楚辛甲，故殷之臣。

事紂蓋七十五諫而不聽，去至周，召公與語，賢之，告文王。文王親自迎之，以為公卿，封長子。今上黨所治縣是也。

崇侯虎譖西伯於殷，紂曰：西伯積善

累德，諸侯嚮之，將不利於帝。帝紂乃囚西

伯於羑里，閎夭之徒患之，乃求有莘氏美

女，驪戎之文馬，有熊九駟，他奇怪物，因殷

嬖臣費仲而獻之。紂紂大說，曰：此一物足

以釋西伯，況其多乎！乃赦西伯，賜之弓矢。

斧鉞使西伯得征伐曰譖西伯者崇侯虎也西伯乃獻洛西之地以請紂去炮烙之

刑紂許之西伯陰行善諸侯皆來決平於

是虞芮之人地理志虞在河東大陽縣芮在馮翊臨晉縣有獄不能

決乃如周入界耕者皆讓畔民俗皆讓長

虞芮之人未見西伯皆慙相謂曰吾所爭

周人所耻何往為祗取辱耳遂俱讓而去

諸侯聞之曰西伯蓋受命之君明年伐犬

戎山海經曰有人人面獸身名曰犬戎明年伐密須應劭曰密須氏姑姓之國

項曰安定陰密縣是明年敗耆國徐廣曰一作院殷之祖伊聞之

懼以告帝紂紂曰不有天命乎是何能為

明年伐邠徐廣曰邠城在野王縣西北音干明年伐崇侯虎而

作豐邑徐廣曰豐在京兆鄠縣東有靈臺鎬在上林昆明北有鎬池去豐二十五里皆在長安南

數十自岐下而徙都豐明年西伯崩徐廣曰文王九十七

崩太子發立是為武王西伯蓋即位五十

年其囚姜甲蓋益易之八卦為六十四卦

詩人道西伯蓋受命之年稱王而斷虞芮

之訟後十年而崩謚為文王改法度制正

朔矣追尊古公為太王公季為王季蓋王

瑞自太王興武王即位太公望為師周公

旦為輔召公畢公之徒左右王師修文王

緒業九年武王上祭于畢馬融曰畢文東觀

兵至于盟津徐廣曰燕周云史記武王十為文王

木主載以車中軍武王自稱太子發言率

文王以伐不敢自專乃告司馬司徒司空

諸節馬融曰諸受符節有司也齊栗信哉予無知以先祖

有德臣小子受先功徐廣曰一云司畢力賞罰

以定其功遂興師師尚父號曰鄭玄曰號令

總爾衆庶與爾舟楫後至者斬武王渡河

中流白魚躍入王舟中馬融曰魚者介鱗之

之正色言殷之兵衆與周之象也武王俯取以祭既渡有火自

上復于下至于王屋流為烏其色赤其聲

魄云馬融曰王屋王所居屋流行也魄然安定意也

瑞臻赤者周之正色也是時諸侯不期而會盟津者八

百諸侯諸侯皆曰紂可伐矣武王曰女未

知天命未可也乃還師歸居二年聞紂昏

亂暴虐滋甚殺王子比干囚箕子太師疵

少師強抱其樂器而奔周於是武王徧告

諸侯曰殷有重罪不可以不畢伐徐廣曰一作威乃

遵文王遂率戎車三百乘虎賁三千人孔安

國曰虎賁勇士稱也若虎賁言其猛也甲士四萬五千人以東伐

紂十一年十二月戊午師畢渡盟津諸侯咸

會曰孳孳無怠武王乃作太誓告于衆庶

今殷王紂乃用其婦人之言自絕于天毀

壞其三正馬融曰動逆天地人也離過其王父母弟鄭玄曰王父母

弟祖父母之族必言母弟舉親者言之也乃斷弃其先祖之樂乃為

淫聲用變亂正聲怡說婦人徐廣曰怡一作辭故今

予發維共行天罰勉哉夫子鄭玄曰夫子大夫之稱不可

再不可三二月徐廣曰一作正此建丑之月殷之正月周之二月也甲子昧爽

孔安國曰昧冥也爽明早旦也武王朝至於商郊牧野乃誓

孔安國曰癸亥夜陳甲子朝誓之武王左杖黃鉞右秉白旄孔安

鉞以黃金飾斧左手杖鉞示無事於誅右手把旄示有事於教令以麾曰遠矣西土

之人孔安國曰勞苦之武王曰嗟我有國家君馬融曰冢大也

司徒司馬司空亞旅師氏孔安國曰亞次旅衆大夫也其位次卿師氏大

夫官以兵守門孔安國曰師率卒率千夫長百夫長乃庸蜀羗髳

微纘彭濮人孔安國曰八國皆蠻夷戎狄羗在西蜀

南馬融曰武王所率將來伐紂也稱爾戈孔安國曰稱舉也比爾干立爾矛

予其誓王曰古人有言牝雞無晨牝雞之

晨惟家之索孔安國曰索盡也喻婦人知外事唯代雄鳴則家盡也今殷王

紂維婦人言是用自弃其先祖肆祀不答

鄭玄曰肆祭名答問也昏弃其家國遺其王父母弟不

用乃維四方之多罪逋逃是崇是長是信

是使孔安國曰言紂弃其賢臣而尊長逃亡罪人信用之也俾暴虐于百

姓以茲軌于商國今予發維共行天之罰

今日之事不過六步七步乃止齊焉孔安國曰今日

戰事不過六步七步乃止相齊言當旅進一心也夫子勉哉不過於四

伐五伐六伐七伐乃止齊焉孔安國曰伐謂擊刺也少則四

五多則六以為例也勉哉夫子尚桓桓鄭玄曰威武兒如虎如罍

如豺如離徐廣曰此訓與離同于商郊不禦克犇以役

西土鄭玄曰禦疆禦謂疆暴也克殺也不得勉哉

夫子爾所不勉其于爾身有戮鄭玄曰所言且也誓

已諸侯兵會者車四千乘陳師牧野帝紂

聞武王來亦發兵七十萬人距武王武王

使師尚父與百夫致師周禮環人掌致師鄭玄

志也古者將戰先使勇力之士犯敵焉春秋傳曰楚許伯御樂伯攝叔為右以致晉師許伯曰吾聞致師者御

靡旌摩壘而還樂伯曰吾聞致師者左射以蔽代御執

轡御下插馬掉鞅而還攝叔曰吾聞致師者右入壘折

馘執俘而還皆以大卒馳帝紂師徐廣曰帝紂

師雖衆皆無戰之心心欲武王亟入紂師

皆倒兵以戰以開武王武王馳之紂兵皆

崩畔紂紂走反入登于鹿臺之上蒙衣其

珠玉自燔于火而死武王持大白旗以麾

諸侯諸侯畢拜武王武王乃揖諸侯諸侯

畢從武王至商國商國百姓咸待於郊於

是武王使群臣告語商百姓曰上天降休

商人皆再拜稽首武王亦荅拜遂入至紂

死所武王自射之三發而後下車以輕劍

擊之以黃鉞斬紂頭懸大白之旗已而至

紂之嬖妾二女二女皆經自殺武王又射

三發擊以劍斬以玄鉞駟案司馬法曰夏執玄鉞

懸其頭小白之旗武王已乃出復軍其明

日除道修社及商紂宮及期百夫荷罕旗

以先驅蔡邕獨斷曰前驅有九旒雲罕東京賦曰雲罕九旒薛綜曰旒旗名武王弟叔

振鐸奉陳常車周公旦把大鉞畢公把小

鉞以夾武王散宜生太顛閎夭皆執劔以

衛武王既入立于社南大卒之左右畢從

毛叔鄭奉明水駟案周禮曰司烜氏以鑑取明水於月鄭玄曰

鑑鏡屬也取月之水欲得陰陽之絜氣陳明水以為玄酒衛康叔封布

茲召公奭贊采師尚父牽牲史佚筮祝曰

殷之末孫季紂殄廢先王明德侮蔑神祇

不祀昏暴商邑百姓其章顯聞于天皇上

帝於是武王再拜稽首曰膺受大命革殷

受天明命武王又再拜稽首乃出封商紂

子祿父殷之餘民武王為殷初定未集乃

使其弟管叔鮮蔡叔度相祿父治殷已而

命召公釋箕子之囚徐廣曰釋一作原命畢公釋百

姓之囚表商容之間命南宮括散鹿臺之

財發鉅橋之粟以振貧弱萌隸命南宮括

史佚展九鼎保玉徐廣曰保一作寶命閎夭封比干

之墓命宗祝享祠于軍乃罷兵西歸行狩

記政事作武成孔安國曰武功成也封諸侯班賜宗彝

作分殷之器物鄭立曰宗彝宗廟樽也作分器著王之命及受物武王追

思先聖王乃褒封神農之後於焦地理志弘農陝縣有

焦城故黃帝之後於祝帝堯之後於薊地理志燕國有

薊縣帝舜之後於陳大禹之後於杞於是封

功臣謀士而師尚父為首封封尚父於營

立曰齊示雅曰水出其前而左曰營丘郭璞曰今齊之營丘淄水過其南乃東封弟

周公旦於曲阜曰魯應劭曰曲阜在魯城中委曲長七八里封召

公奭於燕封弟叔鮮於管弟叔度於蔡餘

各以次受封武王徵九牧之君登幽之阜

以望商邑武王至于周自夜不寐周公旦

即王所曰曷為不寐王曰告女維夫不饗

殷自發未生於今六十年麋鹿在牧徐廣曰此事出

周書及隨巢子云夷羊在牧牧郊也夷羊怪物也蜚鴻滿野天不享殷

乃今有成維天建殷其登各民三百六十

夫不顯亦不賔滅徐廣曰一云不顧失威一又云不顧

至今我未定天保何暇寐王曰定天保依

天室悉求夫惡貶從殷王受日夜勞來徐廣曰

曰一云定我西土我維顯服及德方明自洛肯來

汭延于伊汭居易母固其有夏之居徐廣曰夏居河

南初在陽城我南望三塗北望嶽鄙顧詹有後居陽翟

河徐廣曰周書度邑曰武王問太公曰吾將因粵詹河有夏之居也南望過于三塗北望于有河

雒伊母遠天室營周居于雒邑而後去縱

馬於華山之陽放牛於桃林之虛孔安國曰桃林在華

山偃干戈振兵釋旅公羊傳曰入曰振旅示天下不復

用也武王已克殷後二年問箕子殷所以

亡箕子不忍言殷惡以存徐廣曰一作前亡國宜告

武王王亦醜故問以天道武王病天下未

集群公懼穆卜孔安國曰穆敬也周公乃被齋自為

質欲代武王武王有瘳後而崩徐廣曰封禪書曰克王克

殷二年天下未寧而崩皇甫謐曰武王定位元年歲在乙酉六年庚寅崩太子誦代立是為成王成王少周

長安鎬聚東社中也初定天下周公恐諸侯畔周公乃攝行政

當國管叔蔡叔群弟疑周公與武庚作亂

畔周周公奉成王命伐誅武庚管叔放蔡

三十一

叔以微子開代殷後國於宋頗收殷餘民

以封武王少弟封為衛康叔晉唐叔得嘉

穀鄭云曰二苗獻之成王成王以歸周公于

兵所徐廣曰歸一作魄周公受禾東土魯天子之命

徐廣曰尚書序云旅天子之命初管蔡畔周周公討之三年而

畢定故初作大誥次作微子之命孔安國曰封命之書

次歸禾次嘉禾次康誥酒誥梓材孔安國曰昔康

叔以為政之道亦如梓人之治材也其事在周公之篇周公

行政七年成王長周公反政成王北面就

群臣之位成王在豐使召公復營洛邑如

武王之意周公復卜申視卒營築居九鼎

焉曰此天下之中四方入貢道里均作召

誥洛誥成王既遷殷遺民周公以王命告

作多士無佚召公為保周公為師東伐淮

夷殘奄鄭玄曰奄國在淮夷之北遷其君薄姑馬融曰齊地成王

自奄歸在宗周作多方孔安國曰告衆方天下諸侯既紕

殷命襲淮夷歸在豐作周官孔安國曰言周家設官分職用人之法古文尚書與正禮樂度制於是改而民

叙周官書篇名

三二〇〇

和睦頌聲興何休曰頌聲者太平歌頌之聲帝王之高致也成王既伐

東夷息慎來賀王賜榮伯作賄息慎之命

孔安國曰賄賜也馬融曰榮伯周同姓畿內諸侯為卿大夫也成王將崩懼太子

釗之不任乃命召公畢公率諸侯以相太

子而立之成王既崩二公率諸侯以太子

釗見於先王廟申告以文王武王之所以

為王業之不易務在節儉毋多欲以篤信

臨之作顧命鄭玄曰臨然出命故謂之顧顧將去之意也太子釗遂立是

為康王康王即位徧告諸侯宣告以文武

之業以申之作康誥故成康之際天下安

寧刑錯四十餘年不用應劭曰錯置也民不犯法無所置刑康王

命作策畢公分居里成周郊孔安國曰分別民之居里異其

善惡也成定東周郊境使有保護也作畢命康王卒子昭王瑕

立昭王之時王道微缺昭王南巡狩不返

卒於江上其卒不赴告諱之也立昭王子

滿是為穆王穆王即位春秋已五十矣王

道衰微穆王閔文武之道缺乃命伯璽孔安

國曰伯璽名也申誡徐廣曰作部太僕應劭曰太僕周穆王所置蓋太僕眾僕之長中大夫也

國之政作樂命復寧穆王將征犬戎

徐廣曰犬一作獸

祭公謀父諫

韋昭曰祭畿內之國周公之後為王卿士謀父字也

曰不可

先王耀德不觀兵夫兵戢而時動動則威

觀則玩玩則無震

韋昭曰震懼也

是故周文公之

頌

韋昭曰文公周公且之謚

曰載戢干戈載櫜弓矢

唐固曰櫜

韋昭曰

我求懿德肆于時夏允王保之

韋昭曰言武王常求

美德故陳其功於是夏一而歌之信哉武王能保此時夏之美樂章大者曰夏

先王之於民

也茂正其德而厚其性阜其財求而利其

器用明利害之鄉

韋昭曰鄉方也

以文修之使之務

利而辟害懷德而畏威故能保世以滋大

昔我先王世后稷

韋昭曰謂弃與不窋也唐固曰父子相繼曰世

以服

事虞夏及夏之衰也弃稷不務我先王不

窋用失其官而自竄於戎狄之間不敢怠

業時序其德遵修其緒

徐廣曰遵一作選

修其訓典

朝夕恪勤守以敦篤奉以忠信奕世載德

不忝前人至于文王武王昭前之光明而

加之以慈和事神保民無不欣喜商王帝

辛大惡于民庶民不忍訢載武王以致戎

王之訓而王幾頓乎吾聞犬戎樹敦徐廣曰樹一作

樹駟案韋昭曰樹立也言犬戎立性敦焉也率舊德而守終純固其

有以禦我矣王遂征之得四白狼四白鹿

以歸自是荒服者不至諸侯有不睦者甫

侯言於王作修刑辟鄭玄曰書說云周穆王以甫侯為相王曰吁

來有國有土告汝祥刑孔安國曰告汝善用刑之道也在今爾

安百姓何擇非其人王肅曰訓以安百姓之道當何選擇乎非當選擇賢人乎

何敬非其刑何居非其宜與孔安國曰當何所敬非唯五刑乎當何所

居非唯及世輕重所宜也兩造具備徐廣曰造一作遭師聽五辭孔安國曰兩謂囚證

造至也兩至具備則眾獄官聽其入五刑辭五辭簡信正於五刑孔安國曰

五辭簡核信有罪驗則正之於五刑矣五刑不簡正於五罰孔安國曰不簡

核謂不應五刑當正五罰出金贖罪也五罰不服正於五過孔安國曰不服

不應罰也正於五過從赦免之五過之疵官獄內獄閱實其罪

孔安國曰使與罰名相當惟鈞其過馬融曰以此五過出入人罪與犯法者等五刑

之疑有赦五罰之疑有赦其審克之孔安國曰刑疑

赦從罰罰疑赦從免其當清察能得其理也簡信有眾惟評有稽孔安國曰

簡核誠信有合眾心惟察其兒有所考合重之至也無簡不疑其嚴天威

孔安國曰無簡核誠信不聽治其獄當嚴敬天威無輕用刑黥辟疑赦其罰百

其獄當嚴敬天威無輕用刑

率

徐廣曰率即鍍也音刷孔安國曰六兩曰鍍鍍黃鐵也

閱實其罪劓辟疑

赦其罰倍灑

徐廣曰一作莛五倍曰莛孔安國曰倍百為二百鍍也

閱實其罪

贖辟疑赦其罰倍差

馬融曰倍二百為四百鍍也差者又加四百之三分一凡

五百三十二三分一也

閱實其罪宮辟疑赦其罰五百

徐廣曰一作六

率閱實其罪大辟疑赦其罰千率閱

實其罪墨罰之屬千劓罰之屬千贖罰之

屬五百宮罰之屬三百大辟之罰其屬二

百五刑之屬三千命曰甫刑穆王立五十

五年崩子共王繫扈立共王游於涇上密

康公從

韋昭曰康公密國之君姬姓也

有三女葬之其母曰必

致之王

列女傳曰康公母姓隗氏

夫獸三為羣人三為衆

女三為粲王田不取羣公行不下衆王御

不參一族

韋昭曰御妻官也參三也一族一父子也故取姪娣以備三不參一族之女也

夫粲

美之物也衆以美物歸女而何德以堪之

王猶不堪況爾之小醜乎小醜備物終必

亡康公不獻一年共王滅密共王崩子懿

王躋立懿王之時王室遂衰詩人作刺懿

王崩共王弟辟方立是為孝王孝王崩諸

侯復立懿王太子癸是為夷王夷王崩子厲王胡立厲王即位三十年好利近榮夷公大夫芮良夫諫厲王曰王室其將卑乎夫榮公好專利而不知大難夫利百物之所生也天地之所載也而有專之其害多矣天地百物皆將取焉何可專也所怒甚多而不備大難以是教王王其能久乎夫王人者將導利而布之上下者也使神人百物無不得極韋昭曰極中也猶曰怵惕懼怨之來

也故頌曰思文后稷克配彼天立我蒸民

莫匪爾極大雅曰陳錫載周唐固曰言文王布錫施利以載成周

道也是不布利而懼難乎故能載周以至於

今今王學專利其可乎匹夫專利猶謂之

盜王而行之其歸鮮矣榮公若用周必敗

也厲王不聽卒以榮公為卿士用事王行

暴虐侈傲國人謗王召公諫曰韋昭曰召康公之後穆公庶為

王卿士也民不堪命矣王怒得衛巫韋昭曰衛國之巫也使

監謗者以告則殺之其謗鮮矣諸侯不朝

三十四年王益嚴國人莫敢言道路以目

韋昭曰以目相眄而已厲王喜告召公曰吾能弭謗矣

乃不敢言召公曰是鄣之也防民之口甚

於防水水壅而潰傷人必多民亦如之是

故為水者決之使導為民者宣之使言天

天子聽政使公卿至於列士獻詩鼓鼙獻典

韋昭曰無眸子曰瞶史獻書師箴瞽賦

韋昭曰有眸子而無見曰矇周禮矇主弦歌諷誦箴諫之語也百工諫庶人傳

語韋昭曰庶人卑賤見時得失不得言傳以語士近臣盡規近臣驂僕之屬親戚

補察瞽史教誨瞽樂太師史太史也耆艾脩之耆艾師

傳也脩理瞽史之教以聞於王而后王斟酌焉是以事行而

不悖民之有口也猶土之有山川也財用

於是乎出猶其有原隰衍沃也唐固曰下平曰衍有漑曰沃

衣食於是乎生口之宣言也善敗於是乎

興行善而備敗所以產財用衣食者也夫

民慮之於心而宣之於口成而行之若壅

其口其與能幾何王不聽於是國莫敢出

言三年乃相與畔虜厲王厲王出奔於彘

韋昭曰彘晉地漢為縣屬河東今曰永安厲王太子靜匿召公之家

國人聞之乃圍之召公曰昔吾驟諫王王

不從以及此難也今殺王太子王其以我

為讎而懟怒乎夫事君者險而不讎懟韋昭

曰在危阨之中怨而不怒況事王乎乃以其子代王

太子太子音得脫召公周公二相行政號

曰共和共和十四年厲王死于彘太子靜

長於召公家二相乃共立之為王是為宣

王宣王即位二相輔之修政法文武成康

之遺風諸侯復宗周十二年魯武公來朝

宣王不修籍於千畝號文公諫曰賈逵曰文公文王母弟號仲之

後為王卿士也韋昭曰文公號叔不可王弗聽三

十九年戰于千畝王師敗績于姜氏之戎

韋昭曰西夷別種四嶽之後也宣王既亡南國之師乃料民

於太原韋昭曰敗於姜戎時所亡也南國漢江之間料數也唐固曰南國南陽也仲山

甫諫曰民不可料也宣王不聽卒料民四

十六年宣王崩子幽王宮涅立徐廣曰一作生幽王

二年西周三川皆震徐廣曰涇渭洛也駟案韋昭曰西周鎬京地震動故三川

亦動伯陽甫曰周將亡矣韋昭曰伯陽父周大夫也唐固曰伯陽父周柱下史老子也

夫天地之氣不失其序若過其序民亂之

也韋昭曰過失也言民不敢斥王者也陽伏而不能出陰迫而不

能蒸韋昭曰蒸外也陽氣在下陰氣迫之使不能外也於是地震今

三川實震是陽失其所而填陰也韋昭曰為陰所鎮竿也

陽失而在陰韋昭曰在陰下也原必塞原塞國必亡

夫水土演而民用也韋昭曰水土氣通為演演猶潤也演則生物民得用之

土無所演民乏財用不亡何待昔伊洛竭

而夏亡韋昭曰禹都陽城伊洛所近也河竭而商亡韋昭曰商人都衛河水所經也今

周德若三代之季矣其川原又塞塞必竭夫

國必依山川山崩川竭國之徵也川竭必山

崩韋昭曰水泉不潤枯朽而崩也若國亡不過十年數之紀

也韋昭曰數起於一終於十則更故曰紀也天之所弃不過其紀是

歲也三川竭岐山崩三年幽王辟去褒姒褒姒

生子伯服幽王欲廢太子太子母申侯女

而為后後幽王得褒姒愛之欲廢申后并

去太子宜曰以褒姒為后以伯服為太子

周太史伯陽讀史記曰周亡矣昔自夏后

氏之衰也有二神龍止於夏帝庭而言曰

余褒之二君虞翻曰龍自號夏帝卜殺之與

去之與止之莫吉卜請其爇而藏之乃吉

韋昭曰爇龍所吐沫沫龍之精氣也於是布幣而策告之韋昭曰以簡策

之書告龍而請其爇也龍亡而爇在櫝而去之韋昭曰櫝置也夏

亡傳此器殷殷亡又傳此器周比三代莫

敢發之至厲王之末虞翻曰末年王流彘之歲發而觀之

爇流于庭不可除厲王使婦人裸而譟之

韋昭曰譟謹呼也唐固曰羣乎曰譟爇化為玄龜以入王後宮後

官之童妾既齟而遭之韋昭曰毀齟曰亂也既

笄而孕無夫而生子懼而弃之宣王之時

童女謠曰屨弧箕服實亡周國韋昭曰山桑曰屨弧弓也

箕木名服矢房也於是宣王聞之有夫婦賣是器者

宣王使執而戮之逃於道而見鄉者後宮

童妾所弃妖子徐廣曰妖一作天天幼少也出於路者聞其

夜啼哀而收之夫婦遂亡犇於襄襄人有

罪請入童妾所弃女子者於王以贖罪弃

女子出於襄是為褒姒當幽王三年王之

後宮見而愛之生子伯服竟廢申后及太子以褒姒為后伯服為太子太史伯陽曰禍成矣無可柰何褒姒不好笑幽王欲其笑萬方故不笑幽王為逢逢炎大鼓有寇至則舉烽火諸侯悉至至而無寇褒姒乃大笑幽王說之為數舉逢炎其後不信諸侯益亦不至幽王以虢石父為卿用事國人皆怨石父為人佞巧徐廣曰佞一作諂善諛好利王用之又廢申后去太子也申侯怒與繒西

夷犬戎攻幽王幽王舉逢炎火徵兵兵莫至

遂殺幽王驪山下虜褒姒盡取周賂而去

汲冢紀年曰自武王滅殷以至於幽王凡二百五十七年也於是諸侯乃即申侯

而共立故幽王太子宜曰是為平王以奉

周祀平王立東遷于維邑辟戎寇平王之

時周室衰微諸侯強并弱齊楚秦晉始大

政由方伯周禮曰九命作伯鄭眾云長諸侯為方伯四十九年魯隱

公即位五十一年平王崩太子洩父蚤死

立其子林是為桓王桓王平王孫也桓王

三年鄭莊公朝桓王不禮五年鄭然與魯
易許田許田天子之用事太山田也八年
魯殺隱公立桓公十三年伐鄭鄭射傷桓
王桓王去歸二十三年桓王崩子莊王佗
立莊王四年周公黑肩欲殺莊王而立王
子克賈逵曰莊王
弟子儀也辛伯告王賈逵曰辛伯
周大夫也王殺
周公王子克奔燕十五年莊王崩子釐王
胡齊立釐王三年齊桓公始霸五年釐王
崩子惠王閔立惠王二年初莊王嬖姬姚

生子穧穧有寵及惠王即位奪其大臣園

以為囿左傳曰大
臣為國也故大夫邊伯等五人作亂

左傳曰五人者為國邊
伯詹父子禽祝跪也謀召燕衛師伐惠王惠

王奔温已居鄭之櫟服虔曰櫟
鄭大都立釐王弟穧

為王樂及徧舞賈逵曰徧舞皆
舞六代之樂也鄭虢君怒四

年鄭與虢君伐殺王頹復入惠王惠王十

年賜齊桓公為伯二十五年惠王崩子襄

王鄭立襄王母早死後母曰惠后左傳曰陳
媯歸于京

師實惠
后也惠后生叔帶有寵於惠王襄王畏

之三年叔帶與戎翟謀伐襄王襄王欲誅

叔帶叔帶犇齊齊相公使管仲平戎于周

使隰朋平戎于晉服虔曰戎伐周晉伐戎救周故和也王以上卿

禮管仲管仲辭曰臣賤有司也有天子之

二守國高在杜預曰國子高子天子所命為齊守臣皆上卿也若節春

秋來承王命何以禮焉賈逵曰節時也王肅曰春秋聘享之節也陪

臣敢辭服虔曰陪重也諸侯之臣於天子故曰陪臣王曰舅氏余嘉

乃勲賈逵曰舅氏言伯舅之使也毋逆朕命管仲卒受下

卿之禮而還九年齊相公卒十二年叔帶

復歸于周左傳曰王召之十三年鄭伐滑賈逵曰滑姬姓之國駟案

左傳曰滑人叛鄭而服於衛也王使游孫伯服請滑賈逵曰二子周大夫鄭

人囚之鄭文公怨惠王之入不與厲公爵

服虔曰惠王以后之輦鑿與之厲公而獨與虢公玉爵又怨襄王之與衛

滑服虔曰滑小國近鄭世世服從而更違叛鄭師伐之聽命後自愬於王王以與衛故囚伯

服王怒將以翟伐鄭富辰諫服虔曰富辰周大夫曰凡

我周之東徙晉鄭焉依子矰之亂又鄭之

由定今以小怨弃之王不聽十五年王降

翟師以伐鄭王德翟人將以其女為后富

之三年叔帶與戎翟謀伐襄王襄王欲誅

叔帶叔帶犇齊齊桓公使管仲平戎于周

使隰朋平戎于晉服虔曰戎伐周晉伐戎救周故和也王以上卿

禮管仲管仲辭曰臣賤有司也有天子之

二守國高在杜預曰國子高子天子所命為齊守臣皆上卿也若節春

秋來承王命何以禮焉賈逵曰節時也王肅曰春秋聘享之節也陪

臣敢辭服虔曰陪重也諸侯之臣於天子故曰陪臣王曰舅氏余嘉

乃勳賈逵曰舅氏言伯舅之使也毋逆朕命管仲卒受下

卿之禮而還九年齊桓公卒十二年叔帶

復歸于周左傳曰王召之十三年鄭伐滑賈逵曰滑姬姓之國駟案

左傳曰滑人叛鄭而服於衛也王使游孫伯服請滑賈逵曰二子周大夫鄭

人囚之鄭文公怨惠王之入不與厲公爵

服虔曰惠王以后之輦鑿與之厲公而獨與虢公玉爵又怨襄王之與衛

滑服虔曰滑小國近鄭世世服從而更違叛鄭師伐之聽命後自愬於王王以與衛故囚伯

服王怒將以翟伐鄭富辰諫服虔曰富辰周大夫曰凡

我周之東徙晉鄭焉依子黷之亂又鄭之

由定今以小怨弃之王不聽十五年王降

翟師以伐鄭王德翟人將以其女為后富

辰諫曰平桓莊惠皆受鄭勞王奔親親程
不可從王不聽十六年王絀翟后翟人來
誅殺譚伯唐固曰譚伯周大夫原伯毛伯也富辰曰吾數諫不

從如是不出王以我為懟乎乃以其屬死

之初惠后欲立王子帶故以黨開翟人翟

人遂入周襄王出犇鄭鄭居王於汜杜預曰鄭南汜

在襄城縣南子帶立為王取襄王所絀翟后與君

温十七年襄王告急于晉晉文公納王而

誅叔帶襄王乃賜晉文公珪鬯弓矢為伯

以河內地與晉二十年晉文公召襄王襄

王會之河陽踐土賈逵曰河陽晉之温也諸侯

畢朝書諱曰天王狩于河陽左傳曰仲尼曰以召君不可以訓故書

狩二十四年晉文公卒三十一年秦穆公卒

三十二年襄王崩子頃王壬臣立頃王六

年崩子匡王班立凡王六年崩弟瑜立是

為定王定王元年楚莊王伐陸渾之戎地理志陸

渾縣屬弘農郡次洛使人問九鼎王使王孫滿應設

以辭賈逵曰王孫滿周大夫也楚兵乃去十年楚莊王圍

鄭鄭伯降已而復之十六年楚莊王卒二

十一年定王崩子簡王夷立簡王十三年

晉殺其君厲公迎子周於周立為悼公十

四年簡王崩子靈王泚心立靈王二十四

年齊崔杼弒其君莊公二十七年靈王崩

皇鑿曰靈王家在河南城西南柏亭西周山上蓋以靈王生而有疑而神故謚靈王其冢民祀之不絕

子景王貴立景王十八年后太子聖而早

卒二十年景王愛子朝賈逵曰景王之長庶子欲立之

會崩皇覽曰景王家在洛陽太倉十秦封呂不韋洛陽十萬戶故大其城并園景王家也子

丙之黨與爭立國人立長子猛為王子朝

攻殺猛猛為悼王晉人攻子朝而立丙是

為敬王賈逵曰敬王猛母弟敬王元年晉人入敬王子

朝自立敬王不得入居澤賈逵曰澤邑周地也四年晉

率諸侯入敬王于周子朝為臣春秋曰子朝奔楚皇覽曰子朝

冢在南陽西鄂縣今西鄂晁氏自謂子晁後也諸侯城周十六年子朝

之徒復作亂敬王奔于晉十七年晉定公

遂入敬王于周三十九年齊田常殺其君

簡公四十一年楚滅陳孔子卒四十二年

敬王崩

徐廣曰皇甫謐曰敬王十四年元巳卯崩壬戌也

子元王仁立

徐廣曰世本云貞王介也

元王八年崩子定王介立

徐廣曰世本云元王

赤也皇甫謐曰元王十一年癸未三晉滅智伯二十八年崩三子爭立立應為貞王

定王十六年

三晉滅智伯分有其地二十八年定王崩

徐廣曰皇甫謐曰貞定王十年元癸亥崩壬申

長子去疾立是為哀王

哀王立三月弟叔襲殺哀王而自立是為

思王思王立五月少弟嵬攻殺思王而自

立是為考王此三王皆定王之子考王十

五年崩

徐廣曰皇甫謐曰考王元年辛丑崩乙卯

子威烈王午立考

王封其弟于河南是為桓公以續周公之

官職桓公卒子威公代立威公卒子惠公

代立乃封其少子於鞏

徐廣曰惠公之子也

以奉王號

東周惠公威烈王二十三年九鼎震命韓

魏趙為諸侯二十四年崩

徐廣曰皇甫謐曰元丙辰崩巳卯駟案宋

忠曰威烈王葬洛陽城中東北隅也

子安王驕立是歲盜殺楚聲

王安王立二十六年崩

皇甫謐曰安王元庚辰崩乙巳

子烈王

喜立烈王二年周太史儋見秦獻公曰始

周與秦國合而別別五百載復合

應劭曰周孝王封伯

翳之後為侯伯與周別五百載至昭王時西周君臣
自歸受罪獻其邑三十六城合也韋昭曰周封秦為
始別謂秦仲也五百歲謂從秦仲至
孝公強大顯王致伯與之親合也 合十七歲而

霸王者出焉

徐廣曰從此後十七年而秦昭王立駟
案韋昭曰武王昭王皆伯至始皇而王

下天十年烈王崩弟扁立是為顯王顯王五

年賀秦獻公獻公稱伯九年致文武胙於

秦孝公

胙膳肉也左傳曰王使宰孔賜
齊侯胙曰天子有事于文武

二十五年

秦會諸侯於周二十六年周致伯於秦孝

公三十三年賀秦惠王三十五年致文武

胙於秦惠王四十四年秦惠王稱王其後

諸侯皆為王四十八年顯王崩子慎靚王

定立慎靚王立六年崩子赧王延立王赧

時東西周分治王赧徙都西周西周武公

徐廣曰惠
公之長子

之共太子死有五庶子毋適立司

馬翦謂楚王曰不如以地資公子咎為請

太子左成曰不可周不聽是公之知困而

交䟽於周也不如請周君孰欲立以微告

翦翦請令楚賀之以地果立公子咎為太

子八年秦攻宜陽楚救之而楚以周為秦

故將伐之蘇代為周說楚王曰何以周為
秦之禍也言周之為秦甚於楚者欲令周
入秦也故謂周秦也周知其不可解必入
於秦此為秦取周之精者也為王計者周
於秦因善之不於秦亦言善之以疏之於
秦周絕於秦必入於郢矣秦借道兩周之
間將以伐韓周恐借之畏於韓不借畏於
秦史厭謂周君曰何不令人謂韓徐廣曰一
作何應劭曰氏始注云以
何姓為韓後公叔曰秦之敢絕周而伐韓者

信東周也公何不與周地發質使之楚秦
必疑楚不信周是韓不伐也又謂秦曰韓
強與周地將以疑周於秦也周不敢不受
秦必無辭而令周不受是受地於韓而聽
於秦秦召西周君西周君惡往故令人謂
韓王曰秦召西周君將以使攻王之南陽
也王何不出兵於南陽周君將以為辭於
秦周君不入秦秦必不敢踰河而攻南陽
矣東周與西周戰韓救西周或為東周說

韓王曰西周故天子之國多名器重寶王案兵母出可以德東周而西國之寶必可

以盡矣王赧謂成君楚圍雍氏徐廣曰陽翟雍氏城

戰國策口韓兵入西周西周令成君辯說秦求救當是說此事而脫誤也韓徵甲與

粟於東周東周君恐召蘇代而告之代曰

君何患於是臣能使韓母徵甲與粟於周

又能為君得高都徐廣曰今河南新城縣高都城也周君曰子

苟能請以國聽子代見韓相國曰漢書曰百官表曰相

國秦官駟謂韓亦有相國然則諸國其放秦也楚圍雍氏期三月也今

五月不能拔是楚病也今相國乃徵甲與

粟於周是告楚病也韓相國曰善使者已

行矣代曰何不與周高都韓相國大怒曰

吾母徵甲與粟於周亦已多矣何故與周

高都也代曰與周高都是周折而入於韓

也秦聞之必大怒忿周即不通周使是以

弊高都得寧周也曷為不與相國曰善果

與周高都三十四年蘇厲謂周君曰秦破

韓魏扑師武徐廣曰扑一作仆戰國策曰秦敗魏將犀武於伊闕北取趙蘭

離石者

地理志曰西河有趙蘭離石二縣

皆白起也是善用兵

又有天命今又將兵出塞攻梁梁破則周危矣君何不令人說白起乎曰楚有養由基者善射者也去柳葉百步而射之百發而百中之左右觀者數千人皆曰善射有一夫立其旁曰善可教射矣養由基怒釋弓搯劍曰客安能教我射乎客曰非吾能教子支左誦右也夫去柳葉百步而射之百發而百中之不以善息少焉氣衰力倦

弓撥矢鉤一發不中者百發盡息今破韓魏扑師武北取趙蘭離石者公之功多矣今又將兵出塞過兩周倍韓攻梁一舉不得前功盡弃公不如稱病而無出四十二年秦破華陽約徐廣曰作厄馬犯謂周君曰請令梁城周乃謂梁王曰周王病若死則犯必死矣犯請以九鼎自入於王王受九鼎而圖犯梁王曰善遂與之卒言成周因謂秦王曰梁非成周也將伐周也王試出兵境

以觀之秦果出兵又謂梁王曰周王病甚矣犯請後可而復之今王使卒之周諸侯皆生心後舉事且不信不若令卒爲周城以匿事端梁王曰善遂使城周四十五年周君之秦客謂周最曰公不若譽秦王之孝因以應爲太后養地徐廣曰地理志云應今秦王必喜是公有秦交交善周君必以爲公功交惡勸周君入秦者必有罪矣秦攻周而周最謂秦王曰爲王計者不攻周攻周

實不足以利聲畏天下天下以聲畏秦必東合於齊兵彘於周合天下於齊則秦不王矣天下欲彘秦勸王攻周秦與天下彘則令不行矣五十八年三晉距秦周令其相國之秦以秦之輕也還其行客謂相國曰秦之輕重未可知也秦欲知三國之情公不如急見秦王曰請爲王聽東方之變秦王必重公重公是秦重周周以取秦也齊重則固有周聚徐廣曰一作最最亦古之聚字以收齊是周

常不失重國之交也秦信周發兵攻三晉

五十九年秦取韓陽城負黍徐廣曰陽城有負黍聚西

周恐倍秦與諸侯約從文穎曰關東為從關西為橫孟康曰南北為從東西

為橫瓚曰以利合曰從以威勢相脅曰橫將天下銳師出伊闕攻秦

令秦無得通陽城秦昭王怒使將軍摎漢書

百官表曰前後左右將軍皆周末官也攻西周西周君犇秦頓首

受罪盡獻其邑三十六口三萬秦受其獻

歸其君於周周君王赧卒宋忠曰諡曰西周武公周民

遂東亡秦取九鼎寶器而遷西周公於囂

狐徐廣曰囂音憚囂狐聚與陽人聚相後七歲秦

莊襄王滅東西周徐廣曰周比亡之時凡七縣河南洛陽穀城平陰偃師鞏緱氏

東西周皆入于秦周既不祀皇甫謐曰周凡三十七王八百六十七年

太史公曰學者皆稱周伐紂居洛邑綜其

實不然武王營之成王使召公卜居居九

鼎焉而周復都豐鄩至大戎敗幽王周乃

東徙于洛邑所謂周公葬我畢畢在鎬東

南杜中徐廣曰一作社秦滅周漢興九十有餘載

天子將封太山東巡狩至河南求周苗裔

封其後嘉三十里地號曰周子南君

瓚曰汲冢古文

謂衛將軍文子為子南彌牟其後有子南勁朝于魏後惠成王如衛命子南為侯秦并六國衛最為後疑

嘉是衛後故氏子南而稱君也

比列侯以奉其先祭祀

徐廣曰自周亡

乙巳至元鼎四年戊辰一百四十四年漢之九十四年也漢武元鼎四年封周後也

周本紀卷第四



秦本紀第五

史記五

秦之先帝顓頊之苗裔孫曰女脩女脩織

玄鳥隕卵女脩吞之生子大業大業取少

典之子曰女華女華生太費與禹平水土

已成帝錫玄圭禹受曰非予能成亦太費

為輔帝舜曰咨爾費贊禹功其賜爾皐游

爾後嗣將大出乃妻之姚姓之王女

徐廣曰皇

甫證云賜之玄玉妻以姚姓之女也

大費拜受佐舜調馴鳥獸鳥

獸多馴服是為栢翳舜賜姓嬴氏大費生



十二人一曰大廉實鳥俗氏二曰若木實費氏其玄孫曰費昌子孫或在中國或在夷狄費昌當夏桀之時去夏歸商為湯御以敗桀於鳴條大廉玄孫曰孟戲中行鳥身人言帝太戊聞而卜之使御吉遂致使御而妻之自太戊以下中行之後遂世有功以佐殷國故嬴姓多顯遂為諸侯其玄孫曰中滴徐廣曰一作骨在西戎保西垂生蜚廉蜚廉生惡來惡來有力晏子春秋曰手裂虎兕蜚廉善走

父子俱以材力事殷紂周武王之伐紂并殺惡來是時蜚廉為紂石北方徐廣曰皇甫謐云作石椁

於北還無所報為壇霍太山地甲志霍太山在河東彘縣而報

得石棺銘曰帝令處父不與殷亂賜爾石

棺以華氏死遂葬於霍太山皇甫謐云去彘縣十五里有冢

常祠蜚廉復有子曰季勝季勝生子孟增孟

增幸於周成王是為宅皐狼皐狼生衡父

衡父生造父造父以善御幸於周繆王得

驥温驪徐廣曰温一作盜駟案郭璞云為馬細頸驪黑色驊駟郭璞曰色如華而赤今名

馬驃赤者為棗

驃耳之駟

郭夔曰紀年云北唐之君來免以一驪馬是生驃耳

八駿皆因其毛色以為名號駟案穆天子傳穆王有八駿之乘此紀不具者也

西巡狩樂而

忘歸

郭璞曰紀年云穆王十七年西征於崑崙丘見西王母

徐偃王作亂

地

志臨淮有徐縣云故徐國口子曰徐偃王有筋而無骨駟謂號偃由此

造父為繆王御

長驅歸周一日千里以救亂繆王以趙城

封造父

徐廣曰趙城在河東永安縣

造父族由此為趙氏自

蜚廉生季勝已下五世至造父別居趙趙

衰其後也惡來革者蜚廉子也早死有子

曰女防女防生旁皐旁皐生太几太几生

大駱大駱生非子以造父之寵皆蒙趙城

姓趙氏非子居犬丘

徐廣曰今槐里也

好馬及畜善

養息之犬丘人言之周孝王孝王召使主

馬于汧渭之間馬大蕃息孝王欲以為大

駱適嗣申侯之女為大駱妻生子成為適

申侯乃言孝王曰昔我先酈山之女為戎

胥軒妻生中湑以親故歸周保西垂西垂

以其故和睦今我復與大駱妻生適子成

申駱重婚西戎皆服所以為王王其圖之

於是孝王曰昔柏翳為舜主畜畝多息故
有土賜姓嬴今其後世亦為朕息馬朕其
分土為附庸邑之秦徐廣曰今天水隴西縣秦亭也使復續
嬴氏祀號曰秦嬴亦不廢申侯之女子為
駱適者以和西戎秦嬴生秦侯秦侯立十
年卒生公伯公伯立三年卒生秦仲秦仲
立三年周厲王無道諸侯或叛之西戎反
王室滅犬丘大駱之族周宣王即位徐廣曰秦仲之十年也乃以秦仲為大夫誅西戎西戎殺秦

仲秦仲立二十三年死於戎

毛詩序曰秦仲始太有車馬禮樂侍

御之好也

有子五人其長者曰莊公周宣王乃召

莊公昆弟五人與兵七千人使伐西戎破
之於是復予秦仲後及其先大駱地犬丘
并有之為西垂大夫莊公居其故西犬丘
生子三人其長男世父世父曰戎殺我大
父仲我非殺戎王則不敢入邑遂將擊戎
讓其弟襄公襄公為太子莊公立四十四
年卒太子襄公代立襄公元年以女弟繆

嬴為豐王妻襄公二年戎圍犬丘世父世
父擊之為戎人所虜歲餘復歸世父七年
春周幽王用褒姒廢太子立褒姒子為適
數欺諸侯諸侯叛之西戎犬戎與申侯伐
周殺幽王酈山下而秦襄公將兵救周戰
甚力有功周避犬戎難東徙雒邑襄公以
兵送周平王平王封襄公為諸侯賜之岐
以西之地曰戎無道侵奪我岐豐之地秦
能攻逐戎即有其地與誓封爵之襄公於

是始國與諸侯通使聘享之禮乃用駟駒

徐廣曰赤馬
黑髦曰駟

黃牛羝羊各三祠上帝西時

四年表云立
西時祠白帝

十二年伐戎而至岐卒生文公文

公元年居西垂宮三年文公以兵七百人

東獵四年至汧渭之會曰昔周邑我先秦

羸於此後卒獲為諸侯乃卜居之占曰吉

營邑之十年初為酈時

徐廣曰酈
縣屬馮翊用三牢十

三年初有史以紀事民多化者十六年文

公以兵伐戎戎敗走於是文公遂收周餘

民有之地至岐岐以東獻之周十九年得

陳寶二十年法初有三族之罪張晏曰父母兄弟妻子也

如淳曰父族母族妻族也二十七年伐南山大梓豐天特徐廣

曰今武都故道有怒特祠圖大牛上生樹本有牛從木中出後見於豐水之中四十八年文

公太子卒賜謚為靖公徐廣曰文公之四十四年魯隱之元年靖

公之長子為太子是文公孫也五十年文

公卒葬西山徐廣曰皇甫謐云葬於西山在今隴西之西縣靖公子立

是為寧公徐廣曰一作曼寧公二年公徙居平陽徐廣

曰郟之平陽亭遣兵伐蕩社徐廣曰蕩音湯社一作杜三年與亳戰

亳王奔戎遂滅蕩社皇甫謐云亳王號湯西夷之國也四年魯

公子翬弒其君隱公十二年伐蕩氏取之

寧公生十歲立立十二年卒葬西山生子

三人長男武公為太子武公弟德公同母

魯姬子生出子寧公卒大庶長弗忌威壘

三父廢太子而立出子為君出子六年三

父等復共令人賊殺出子出子生五歲立

立六年卒三父等乃復立故太子武公武

公元年伐彭戲氏至于華山下居平陽封

宮三年誅三父等而夷三族以其殺出子

也鄭高渠昧殺其君昭公十年伐邾翼戎

初縣之地里志隴西有上邽縣應劭曰即邽戎邑也翼縣屬天水郡十一年初縣

杜鄭地里志京兆有鄭縣杜繇也滅小虢班固曰西虢在雍州十三年齊

人管至父連稱等殺其君襄公而立公孫

無知晉滅霍魏耿齊雍廩殺無知管至父

等而立齊桓公齊晉為強國十九年晉曲

沃始為晉侯益桓公伯於鄆二十年武公

卒葬雍平陽初以人從死從死者六十六

人有子一人名曰白白不立封平陽立其

弟德公德公元年初居雍城徐廣曰今縣在扶風大鄭

宮以犧三百牢祠鄜時卜居雍後子孫飲

馬於河梁伯芮伯來朝二年初伏孟康曰六月代日初

也周時無至此乃有之以狗禦蠱徐廣曰年表云初作伏德

公生三十三歲而立立二年卒生子三人

長子宣公中子成公少子穆公長子宣公

立宣公元年衛燕伐周出惠王立王子頹

三年鄭伯虢叔殺子頹而入惠王四年作

密時與晉戰河陽勝之十二年宣公卒生子九人莫立立其弟成公元年梁伯芮伯來朝益桓公伐山戎次于孤竹成公立四年卒子七人莫立立其弟繆公繆公任好元年自將伐茅津勝之四年迎婦於晉晉太子申生幼也其歲齊桓公伐楚至邵陵五年晉獻公滅虞虢虞君與其大夫百里傒以璧馬賂於虞故也既虜百里傒以為秦繆公夫人媵於秦百里傒亡秦

走宛

地理志南陽有宛縣

楚鄙人執之繆公聞百里傒

賢欲重贖之恐楚人不與乃使人謂楚曰

吾媵臣百里傒在焉請以五羖羊皮贖之

楚人遂許與之當是時百里傒年已七十

餘繆公釋其囚與語國事謝曰臣亡國之

臣何足問繆公曰虞君不用子故亡非子

罪也固問語三日繆公大說授之國政號

曰五羖大夫百里傒讓曰臣不及臣友蹇

叔蹇叔賢而世莫知臣嘗游困於齊而乞

食飪人

徐廣曰飪一作鉶

蹇叔收臣臣因而欲事齊

君無知蹇叔止臣臣得脫齊難遂之周周

王子頹好牛臣以養牛干之及頹欲用臣

蹇叔止臣臣去得不誅事虞君蹇叔止臣

臣知虞君不用臣臣誠私利祿爵且留再

用其言得脫一不用及虞君難是以知其

賢於是穆公使人厚幣迎蹇叔以為上大

夫秋繆公自將伐晉戰於河曲

徐廣曰一竹西駟案公葱

傳曰河千里而一曲也服虔曰河曲晉地杜預曰河曲在蒲坂南

晉驪姬作亂太

子申生死新城重耳夷吾出犇九年齊相

公會諸侯於葵丘晉獻公卒立驪姬子奚

齊其臣里克殺奚齊荀息立卓子

徐廣曰一作倬

克

又殺卓子及荀息夷吾使人請秦求入晉

於是繆公許之使百里傒將兵送夷吾夷

吾謂曰誠得立請割晉之河西八城與秦

及至已立而使丕鄭謝秦背約不與河西

城而殺里克丕鄭聞之恐因與繆公謀曰

晉人不欲夷吾實欲重耳今背秦約而殺

里克皆呂甥卻芮之計也願君以利息召
呂卻呂卻至則更入重耳便繆公許之使
人與丕鄭召呂卻呂卻等疑丕鄭有間
乃言夷吾殺丕鄭丕鄭子丕豹奔秦說繆
公曰晉君無道百姓不親可伐也繆公曰
百姓苟不便何故能誅其大臣能誅其太
臣此其調也不聽而陰用豹十二年齊等
仲隰朋死晉早來請粟丕豹說繆公勿與
因其飢而伐之繆公問公孫支

服虔曰秦大夫公孫子桑

支曰飢穰更事耳不可不與問百里傒傒
曰夷吾得罪於君其百姓何罪於是用百
里傒公孫支言卒與之粟以船漕車轉自

雍相望至絳

賈逵曰雍秦國都絳晉國都也

十四年秦飢請

粟於晉晉君謀之羣臣號射曰因其飢伐
之可有大功晉君從之十五年與兵將攻
秦繆公發兵使丕豹將自往擊之九月壬
戌與晉惠公夷吾合戰於韓地晉君棄其
軍與秦爭利還而馬驚繆公與麾下馳追

之不能得晉君反為晉軍所圍晉擊繆公
繆公傷於是岐下食善馬者三百人馳冒
晉軍晉軍解圍遂脫繆公而反生得晉君
初繆公亡善馬岐下野人共得而食之者
三百餘人吏逐得欲法之繆公曰君子不
以畜產害人吾聞食善馬肉不飲酒傷人
乃皆賜酒而赦之三百人者聞秦擊晉皆
求從從而見繆公窘亦皆推鋒爭死以報
食馬之德於是繆公虜晉君以歸令於國

齊宿吾將以晉君祠上帝周天子聞之曰
晉我同姓為請晉君夷吾姊亦為繆公夫
人夫人聞之乃衰經跣曰妾兄弟不能相
救以辱君命繆公曰我得晉君以為功今
天子為請夫人是憂乃與晉君盟許歸之
更舍上舍而饋之七牢

賈逵曰諸侯雍饋七牢
牛一羊一豕一為一牢也

十一月歸晉君夷吾夷吾獻其河西地使
太子圉為質於秦秦妻子圉以宗女是時
秦地東至河十八年齊桓公卒二十年秦

滅梁芮二十二年晉公子圉聞晉君病曰
梁我母家也而秦滅之我兄弟多即君百
歲後秦必留我而晉輕亦更立他子子圉
乃亡歸晉二十三年晉惠公卒子圉立為
君秦怨圉亡去乃迎晉公子重耳於楚而
妻以故子圉妻重耳初謝後乃受繆公益
禮厚遇之二十四年春秦使人告晉大臣
欲入重耳晉許之於是使人送重耳二日
重耳立為晉君是為文公文公使人殺子

圉子圉是為襄公其秋周襄王弟帶以翟
伐王王出居鄭二十五年周王使人告難
於晉秦秦繆公將兵助晉文公入襄王殺
至弟帶二十八年晉文公敗楚於城濮三
十年繆公助晉文公圍鄭鄭使人言繆公
曰亡鄭厚晉於晉而得矣而秦未有利晉
之強秦之憂也繆公乃罷兵歸晉亦罷三
十二年冬晉文公卒鄭人有賣鄭於秦曰
我主其城門鄭可襲也繆公問蹇叔百里

倭對曰徑數國千里而襲人希有得利者
且人賣鄭庸知我國人不有以我情告鄭
者乎不可繆公曰子不知也吾已決矣遂
發兵使百里倭子孟明視蹇叔子西乞術
及白乙丙將兵行日百里倭蹇叔二人哭
之繆公聞怒曰孤發兵而子沮哭吾軍何
也二老曰臣非敢沮君軍軍行臣子與獲
臣老遲還恐不相見故哭耳二老退謂其
子曰汝軍即敗必於殽阨矣三十三年春

秦兵遂東更晉地過周北門周王孫滿曰
秦師無禮不敗何待兵至滑鄭販賣賈人
弦高持十二牛將賣之周見秦兵恐死虜
因獻其牛曰聞大國將誅鄭鄭君謹修守
禦備使臣以牛十二勞軍士秦三將軍相
謂曰將襲鄭鄭今已覺之往無及已滅滑
滑晉人邊邑也當是時晉文公喪尚未葬
太子襄公怒曰秦侮我孤因喪破我滑遂
墨衰經發兵遮秦兵於殽擊之大破秦軍

無一人得脫者虜秦三將以歸文公夫人

秦女也服虔曰繆公女為秦三囚將請曰繆公之怨

此三人入於骨髓願令此三人歸令我君

得自快烹之晉君許之歸秦三將三將至

繆公素服郊迎嚮三人哭曰孤以不用百

里俛蹇叔言以辱三子三子何罪乎子其

悉心雪恥母急遂復三人官秩如故愈厚

厚之三十四年楚太子商臣弒其父成王

代立繆公於是復使孟明視等將兵伐晉

戰于彭衙杜預曰馮翊郃陽縣西北有衙城秦不利引兵歸戎

王使由余於秦由余其先晉人也亡入戎

能晉言聞繆公賢故使由余觀秦秦繆公

示以宮室積聚由余曰使鬼為之則勞神

矣使人為之亦苦民矣繆公怪之問曰中

國以詩書禮樂法度為政然尚時亂今戎

夷無此何以為治不亦難乎由余笑曰此

乃中國所以亂也夫自上聖黃帝作為禮

樂法度身以先之僅以小治及其後世日

以驕淫阻法度之威以責督於下下罷極則以仁義怨望於上上下下交爭怨而相篡弒至於滅宗皆以此類也夫戎夷不然上含淳德以遇其下下懷忠信以事其上國之政猶一身之治不知所以治此真聖人之治也於是繆公退而問內史廖曰漢書孤聞鄰國有聖人敵國之憂也

百官表曰內史周官也

今由余賢寡人之害將奈之何內史廖曰

樂以奪其志

徐廣曰奪一作徇

為由余請以䟽其間

留而莫遣以失其期戎王怪之必疑由余君臣有間乃可虜也且戎王好樂必怠於政繆公曰善因與由余曲席而坐傳器而食問其地形與其兵勢盡答而后令內史廖以女樂二八遺戎王戎王受而說之終年不還於是秦乃歸由余由余數諫不聽繆公又數使人間要由余由余遂去降秦繆公以客禮禮之問伐戎之形三十六年

繆公復益厚孟明等使將兵伐晉渡河焚

船大敗晉人取王官及鄆徐廣曰左傳作郊駟案服虔曰皆晉地不

能以報殺之役晉人皆城守不敢出於是

繆公乃自茅津徐廣曰在大陽渡河封殺中尸賈逵曰封

識為發喪哭之三日乃誓於軍曰嗟士卒

聽無譁余誓告汝古之人謀黃髮番番則

無所過以申思不用蹇叔百里奚之謀故

作此誓令後世以記余過君子聞之皆為

垂涕曰嗟乎秦繆公之與人周也服虔曰周備也卒

得孟明之慶三十七年秦用由余謀伐戎

王益國十二開地千里遂霸西戎天子使

召公過賀繆公以金鼓三十九年繆公卒

葬雍皇覽曰秦繆公冢在橐泉宮祈年觀下從死者百七十七人

秦之良臣子輿氏三人名曰奄息仲行鍼

虎亦在從死之中秦人哀之為作歌黃鳥

之詩君子曰秦繆公廣地益國東服強晉

西霸戎夷然不為諸侯盟主亦宜哉死而

棄民收其良臣而從死且先王崩尚猶遺

德垂法況奪之善人良臣百姓所哀者乎
是以知秦不能復東征也穆公子四十人
其太子瑩代立是為康公康公元年往歲
繆公之卒晉襄公亦卒襄公之弟名雍秦
出也在秦晉趙盾欲立之使隨會來迎雍
秦以兵送至令狐杜預曰在河東晉立襄公子而反
擊秦師秦師敗隨會來奔二年秦伐晉於
武城報令狐之役四年晉伐秦取少梁六
年秦伐晉取羈馬服虔曰晉邑也戰於河曲大敗晉日

軍晉人患隨會在秦為亂乃使魏雋餘服虔

曰晉之魏邑大夫詳反合謀會詐而得會會遂歸晉

康公立十二年卒子共公立共公二年晉
趙穿弒其君靈公三年楚莊王強北兵至
維問周鼎共公立五年卒子栢公立栢公
三年晉敗我一將十年楚莊王服鄭北敗
晉兵於河上當是之時楚霸為會盟合諸
侯二十四年晉厲公初立與秦栢公夾河
而盟歸而秦倍盟與翟合謀擊晉二十六

年晉率諸侯伐秦秦軍敗走追至涇而還

桓公立二十七年卒子景公立徐廣曰世本云景公名后

也伯車景公四年晉欒書弒其君厲公十五

年救鄭敗晉兵於櫟杜預曰晉地也是時晉悼公為

盟主十八年晉悼公強數會諸侯率以伐

秦敗秦軍秦軍走晉兵追之遂渡涇至棫

林而還徐廣曰棫音域駟案杜預曰秦地也二十七年景公如晉

與平公盟已而背之三十六年楚公子圍

弒其君而自立是為靈王景公母弟后子

鍼有寵景公母弟富或譖之恐誅乃奔晉

車重千乘晉平公曰后子富如此何以自

亡對曰秦公無道畏誅欲待其後世乃歸

二十九年楚靈王強會諸侯於申為盟主

殺齊慶封景公立四十年卒子哀公立后

子復來歸秦哀公八年楚公子棄疾弒靈

王而自立是為平王十一年楚平王來求

秦女為太子建妻至國女好而自娶之十

五年楚平王欲誅建建亡伍子胥奔吳晉

公室卑而六卿強欲內相攻是以久秦晉
不相攻三十一年吳王闔閭與伍子胥伐
楚楚王亡奔隨吳遂入郢楚大夫申包胥
來告急七日不食日夜哭泣於是秦乃發五
百乘救楚敗吳師吳師歸楚昭王乃得復
入郢哀公立三十六年卒太子夷公夷公
蚤死不得立立夷公子是爲惠公惠公元
年孔子行魯相事五年晉卿中行范氏
反晉晉使智氏趙簡子攻之范中行氏亡

奔齊惠公立十年卒子悼公立悼公二年
齊臣田乞弒其君孺子立其兄陽生爲悼
公六年吳敗齊師齊人弒悼公立其子簡
公九年晉定公與吳王夫差盟爭長於黃
池卒先吳徐廣曰外傳云吳王先歿吳彊陵中國十二年

齊田恒弒簡公立其弟平公恒相之十三
年楚滅陳秦悼公立十四年卒子厲共公
立孔子以悼公十二年卒厲共公二年蜀
人來賂十六年漸河旁以兵二萬伐大荔

取其王城徐廣曰今之臨晉也臨晉有王城二十一年初縣頻

陽地志馮翊有頻陽縣晉取武成二十四年晉亂殺智

伯分其國與趙韓魏二十五年智開與邑

人來奔徐廣曰一本二十六年城南鄭也三十三年伐義渠虜

其王應劭曰義渠北地也三十四年日食厲共公卒子

躁公立躁公二年南鄭反十三年義渠來

伐至渭南十四年躁公卒立其弟懷公懷

公四年庶長毚與大臣圍懷公懷公自殺

懷公太子曰昭子蚤死大臣乃立太子昭

子之子是為靈公靈公懷公孫也靈公六

年晉城少梁秦擊之十一年城藉姑靈公

卒子獻公不得立立靈公季父悼子是為

簡公簡公昭子之弟而懷公子也簡公六

年令吏初帶劍漸洛城重泉地志重泉縣屬馮翊十

六年卒徐廣曰表云十五年也子惠公立惠公十二年

子出子生十三年伐蜀取南鄭惠公卒出

子立出子二年庶長改迎靈公之子獻公

于河西而立之殺出子及其母沈之淵旁

秦以往者數易君君臣乖亂故晉復強奪

秦河西地獻公元年徐廣曰丁酉止從死二年

城櫟陽徐廣曰徙都之今萬年是也四年正月庚寅孝公

生十一年周太史儋見獻公曰周故與秦

國合而別別五百歲復合合七十七歲而

霸王出十六年桃冬花十八年雨金櫟陽

二十一年與晉戰於石門斬首六萬天子

賀以黼黻周禮曰白與黑謂之黻二十三年與魏

晉戰少梁虜其將公孫痤二十四年獻公

卒徐廣曰表云二十三年子孝公立年已二十一歲矣

孝公元年徐廣曰庚申也河山以東疆國六與齊威

楚宣魏惠燕悼韓哀趙成侯並淮泗之間

小國十餘楚魏與秦接界魏築長城自鄭

濱洛以北有上郡楚自漢中南有巴黔中

周室微諸侯力政爭相併秦僻在雍州不

與中國諸侯之會盟夷翟遇之孝公於是

布惠振孤寡招戰士明功賞下令國中曰

昔我穆公自岐雍之間修德行武東平晉

亂以河為界西霸戎翟廣地千里天子致
伯諸侯畢賀為後世開業其光美會往者
厲蹀簡公出子之不寧國家內憂未遑外
事三晉攻奪我先君河西地諸侯卑秦醜
莫大焉獻公即位鎮撫邊境徙治櫟陽且
欲東伐復穆公之故地脩穆公之政令寡
人思念先君之意常痛於心賓客羣臣有
能出奇計彊秦者吾且尊官與之分土於
是乃出兵東圍陝城西斬戎之獮王

地理志天

水有獮道縣應劭曰獮戎邑音桓

衛鞅聞是令下西入秦因景

監求見孝公二年天子致胙三年衛鞅說
孝公變法修刑內務耕稼外勸戰死之賞
罰孝公善之甘龍杜摯等弗然相與爭之
卒用鞅法百姓苦之居三年百姓便之乃
拜鞅為左庶長其事在商君語中七年與
魏惠王會杜平八年與魏戰元里有功十
年衛鞅為大良造將兵圍魏安邑降之

地理

志曰河東有安邑縣

十二年作為咸陽築冀闕秦徙都

三五八

史記五

卷五

三

之并諸小鄉聚集為大縣縣一令

漢書百官表白縣令

長皆秦官萬戶以上為令秩千石至六百石減萬戶為長秩五百石至三百石皆有丞尉四十一

縣為田開阡陌東地渡洛十四年初為賦

徐廣曰制貢賦之法也十九年天子致伯二十年諸侯

畢賀秦使公子少官率師會諸侯逢澤徐廣

日開封東北有逢澤朝天子二十一年齊敗魏馬陵二

十二年衛鞅擊魏虜魏公子卬封鞅為列

侯號商君二十四年與晉戰鴈門虜其將

魏錯孝公卒子惠文君立是歲誅衛鞅鞅

之初為秦施法法不行太子犯禁鞅曰法

之不行自於貴戚君必欲行法先於太子

太子不可黥黥其傅師於是法大用秦人

治及孝公卒太子立宗室多怨鞅鞅亡因

以為反而卒車裂以徇秦國漢書曰商君為法於秦戰斬一

首賜爵一級欲為官者五十石其爵名一為公士二

上造三簪褭四不更五大夫六公大夫七官大夫八

公乘九五大夫十左庶長十一右庶長十二左更十

五中更十四右更十五少上造十六大上造十七馬車庶長十八大庶長十九關內侯二十徹侯惠文君元年楚韓趙蜀

人來朝二年天子賀三年王冠四年天子

致文武胙齊魏為王五年陰晉人犀首為

大良造

犀首官名姓公孫名衍

六年魏納陰晉陰晉更

名寧秦

徐廣曰今之華陰也

七年公子卬與魏戰虜其

將龍賈斬首八萬八年魏納河西地九年

渡河取汾陰皮氏

地里志二縣屬河東

與魏王會應圍

焦降之十年張儀相秦魏納上郡十五縣

十一年縣義渠歸魏焦曲沃義渠君為臣

更名少梁曰夏陽十二年初臘十三年四

月戊午魏君為王韓亦為王使張儀伐取

陝出其人與魏十四年更為元年二年張

儀與齊楚大臣會齧桑三年韓魏太子來

朝張儀相魏五年王游至北河

徐廣曰戎地在河上

七

年樂池相秦韓趙魏燕齊帥匈奴共攻秦

秦使庶長彥與戰脩魚虜其將申差敗趙

公子渴韓太子奐斬首八萬二千八年張

儀復相秦九年司馬錯伐蜀滅之伐取趙

中都西陽

地里志太原有中都縣

十年韓太子蒼來質

伐取韓石章伐敗趙將泥

徐廣曰將一作莊

伐取義

渠二十五城十一年樺里疾攻魏焦降之

敗韓岸門斬首萬其將犀首走公子通封

於蜀徐廣曰是歲王叔元年燕君讓其臣子之十二年

王與梁王會臨晉庶長疾攻趙虜趙將莊

張儀相楚十三年庶長章擊楚於丹陽虜

其將屈匄斬首八萬又攻楚漢中取地六

百里置漢中郡楚圍雍氏秦使庶長疾助

韓而東攻齊到滿助魏攻燕十四年伐楚

取召陵丹犁臣蜀相壯徐廣曰一作狀殺蜀疾來降

惠王卒子武王立韓魏齊楚越徐廣曰一作趙以

賓從武王元年與魏惠王會臨晉徐廣曰表云哀

王誅蜀相壯張儀魏章比日東出之魏伐義

渠丹犁二年初置丞相應劭曰丞者承也相助也樺里疾

甘茂為左右丞相張儀死於魏三年與韓

襄王會臨晉外南公揭卒樺里疾相韓武

王謂甘茂曰寡人欲容車通三川窺周室

死不恨矣其秋使甘茂庶長封伐宜陽四

年拔宜陽斬首六萬涉河城武遂徐廣曰韓邑也

魏太子來朝武王有力好戲力士任鄙烏
獲孟說皆至大官王與孟說舉鼎絕臍徐廣

曰一八月武王死皇覽曰秦武王冢在扶風安陵縣西北畢陌中大冢是也人以爲周

文王冢非也周文王冢在杜中族孟說武王取魏女爲后無子

立異母弟是爲昭襄王昭襄母楚人姓芊

氏號宣太后武王死時昭襄王爲質於燕

燕人送歸得立昭襄王元年嚴君疾爲相

甘茂出之魏二年彗星見庶長壯與大臣

諸侯公子爲逆皆誅及惠文后皆不得良

死徐廣曰迎婦於楚者悼武王后出歸魏三年王冠與

楚王會黃棘與楚上庸地里志漢中有上庸縣四年取

蒲坂彗星見五年魏王來朝應亭徐廣曰魏世家

云會復與魏蒲坂六年蜀侯輝反司馬錯

定蜀庶長奐伐楚斬首二萬涇陽君質於

齊日食晝晦七年拔新城樺里子卒八年

使將軍芊戎攻楚取新市晉帝記曰江夏有新市縣齊使

章子魏使公孫喜韓使暴鳶共攻楚方城

取唐昧趙破中山其君亡音死齊魏公子

勁韓公子長為諸侯九年孟嘗君薛文來
相秦奐攻楚取八城殺其將景使十年楚
懷王入朝秦秦留之薛文以金受免樓緩
為丞相十一年齊韓魏趙宋中山五國共
攻秦至鹽氏而還徐廣曰鹽一作監秦與韓魏河北
及封陵以和彗星見楚懷王走之趙趙不
受還之秦即死歸葬十二年樓緩免穰侯
魏冉為相予楚粟五萬石十三年向壽伐
韓取武始地理志魏郡有武始縣左更白起攻新城五

大夫禮出亡奔魏任鄙為漢中守漢書百官表曰

郡守十四年左更白起攻韓魏於伊闕斬

首二十四萬虜公孫喜拔五城十五年大

良造白起攻魏取垣復予之攻楚取宛十

六年左更錯取軹及鄧地理志河內有軹縣南陽有鄧縣冉免

封公子市宛公子悝鄧魏冉陶為諸侯十

七年城陽君入朝及東周君來朝秦以垣

為蒲坂皮氏王之宜陽十八年錯攻垣河

雍泮橋取之徐廣曰汲冢紀年云魏哀王二十四年攻宜陽曰河雍改向曰高平向在

西軌之十九年王為西帝齊為東帝皆復去之

呂禮來自歸齊破宋宋王在魏死温任鄙

卒二十年徐廣曰秦地有父馬生駒王之漢中又之上郡

北河二十一年徐廣曰有牡馬生牛而死錯攻魏河內魏

獻安邑秦出其人募徙河東賜爵赦罪人

遷之涇陽君封死二十二年蒙武伐齊河

東為九縣與楚王會死與趙王會中陽地

志西河有中陽縣二十三年尉斯離與三晉燕伐齊

破之濟西王與魏王會宜陽與韓王會新

城二十四年與楚王會鄢又會穰秦取魏

安城地里志汝南有安城縣至大梁燕趙救之秦軍去魏

冉免相二十五年拔趙二城與韓王會新

城與魏王會新明邑二十六年赦罪人遷

之穰侯冉復相二十七年錯攻楚赦罪人

遷之南陽白起攻趙取代光狼城又使司

馬錯發隴西因蜀攻楚黔中拔之二十八

年大良造白起攻楚取鄢鄧赦罪人遷之

二十九年大良造白起攻楚取郢為南郡

楚王走周君來王與楚王會襄陵

地里志河東有

襄陵縣

白起為武安君三十年蜀守若伐取

巫郡及江南為黔中郡三十一年白起伐

魏取兩城楚人反我江南三十二年相穰

侯攻魏至大梁破暴鳶斬首四萬鳶走魏

入三縣請和三十三年客卿胡傷攻魏卷

地里志河

蔡陽長社取之

地里志潁川有長社縣

擊芒卯

華陽破之

司馬彪曰華陽亭名在密縣

斬首十五萬魏入南

陽以和

徐廣曰河內脩武古曰南陽秦始皇更名

三

十四年秦與魏韓上庸地為一郡南陽免

臣遷居之三十五年佐韓魏楚伐燕初置

南陽郡三十六年客卿竈攻齊取剛壽子

穰侯三十八年中更胡傷攻趙闕與

孟康曰音

焉與邑名在上黨涅縣西

不能取四十年悼太子死魏歸

葬芷陽

徐廣曰今霸陵

四十一年夏攻魏取邢丘懷

徐廣曰邢丘在平臯駟案韓詩外傳武王伐紂到于邢丘勒兵於寗更名邢丘曰懷寗曰脩武

四十

二年安國君為太子十月宣太后薨

徐廣曰芊

葬芷陽酈山九月穰侯出之陶四十三

氏

年武安君白起攻韓拔九城斬首五萬四
十四年攻韓南郡取之四十五年五大夫
賁攻韓取十城葉陽君一云華陽惺出之國未至
而死四十七年秦攻韓上黨上黨降趙秦
因攻趙趙發兵擊秦相距秦使武安君白
起擊大破趙於長平四十餘萬盡殺之四
十八年十月韓獻垣雍司馬彪曰河南卷縣有垣雍城秦軍分
為三軍武安君歸王齮將伐趙武安皮牢
拔之司馬梗北定太原盡有韓上黨正月

兵罷復守上黨其十月五大夫陵攻趙邯
鄲四十九年正月益發卒佐陵陵戰不善
免王齮代將其十月將軍張唐攻魏為蔡
尉指弗守還斬之五十年十月武安君白
起有罪為士伍遷陰密如淳曰嘗有爵而以罪奪爵皆稱上伍張
唐攻鄭拔之十二月益發卒軍汾城旁武
安君白起有罪死齮攻邯鄲不拔去還奔
汾軍二月餘攻晉軍斬首六千晉楚流死
河二萬人徐廣曰楚一作走攻汾城即從唐拔寧

曰一作曼
此趙邑也

新中寧新中更名安陽

徐廣曰魏郡
有安陽縣

初作河橋五十一年將軍摎攻韓取陽城
負黍斬首四萬攻趙取二十餘縣首虜九
萬西周君背秦與諸侯約從將天下銳兵
出伊闕攻秦令秦毋得通陽城於是秦使
將軍摎攻西周西周君走來自歸頓首受
罪盡獻其邑三十六城口三萬秦王受獻
歸其君於周五十二年周民東亡其器九
鼎入秦周初亡五十三年天下來賓魏後

秦使摎伐魏取吳城

徐廣曰
在大陽

韓王入朝魏委

國聽令五十四年王郊見上帝於雍五十

六年秋昭襄王卒子孝文王立尊唐八子

為唐太后

徐廣曰八子者
妾媵之號姓唐

而合其葬於先王

韓王衰經入弔祠諸侯皆使其將相來弔

祠視喪事孝文王元年赦罪人修先王功

臣褒厚親戚苑囿孝文王除喪十月己

亥即位三日辛丑卒子莊襄王立莊襄王

元年大赦罪人修先王功臣施德厚骨肉

而布惠於民東周君與諸侯謀秦秦使相國呂不韋誅之盡入其國秦不絕其祀以

陽人地地里志河南梁縣有陽人聚賜周君奉其祭祀使蒙

騫伐韓韓獻成臯鞏秦界至大梁初置三

川郡韋昭曰有河洛伊故曰三川駟案地里志漢高祖更曰河南郡二年使蒙騫

攻趙定太原三年蒙騫攻魏高都汲徐廣曰一

作波波縣亦在河內拔之攻趙榆次新城狼孟取三十

七城四月日食四年王齧攻上黨初置太

原郡魏將無忌率五國兵擊秦秦却於河

外蒙騫敗解而去五月丙午莊襄王卒子政立是為秦始皇帝秦王政立二十六年

初并天下為三十六郡號為秦皇帝始皇

帝五十一年而崩子胡亥立是為二世皇

帝三年諸侯並起叛秦趙高殺二世立子

嬰子嬰立月餘諸侯誅之遂滅秦其語在

始皇本紀中

太史公曰秦之先為嬴姓其後分封以國

為姓有徐氏郟氏莒氏終黎氏

徐廣曰世本作鍾離應劭

曰氏姓注云有運奄氏菟裘氏將梁氏黃氏江

姓終黎者耳氏脩魚氏白冥氏蜚廉氏秦氏然秦以其
先造父封趙城為趙氏

秦本紀卷第五

